

四庫全書

集部

欽定四庫全書

文苑英華卷六百十一

宋 李昉等 編

進文章二

進千秋金鏡錄表一首 進王維集表一首

進寶應長寧樂表一首 進元和聖德詩表一首

進撰平蔡州碑文表一首

進平淮夷雅篇表一首

代國子陸博士進集注春秋表一首

代百寮進農書表一首

為羽林李景畧將軍進射鴈歌表一首

進撰江西韋大夫遺愛碑文表一首

史館王相公進和詩表一首

舉薦

薦鮑幾表一首

薦顧協表一首

為宇文戶部薦隱淪表一首

自舉表一首

責躬薦弟表一首

為王戶部薦李諒表一首

舉前池州刺史張巖自代表一首

進文章

進千秋金鏡錄表

玄宗

張九齡

開元二十四年

臣九齡言臣伏見千秋節日王公以下悉以金寶鏡進

獻誠貴尚之尤也臣愚以為

集作謂

明鏡所以鑒形者也

有妍媸則覩

集作見

之於外徃事所以鑒心者也有善惡

則省之於內故黃帝鏡銘云以鏡自照見形容以人自

照見吉凶又古人云前事之不遠後事之元龜元龜亦
猶鏡也伏惟開元神武皇帝陛下聖德之至動與天合
本已全於道體固不假於事鑒然天覆集作覆載廣大無所
不包聖道冲虛有來皆應臣敢緣此義謹於生辰節上
事鑒十章分為五卷名曰千秋金鏡錄雖聞見褊淺所
識集作擇不深至於區區効愚其庶乎萬一不勝悃款之
至謹言

進王維集表

代宗

王

縉

附見王維集

臣縉言中使王丞華奉宣進旨

集作止

應是王維文賦並

仰錄寫進上者

十三字集作令臣進七已故尚書右丞維文章

恩命忽臨以驚

以喜退因編錄又竊感傷臣兄文詞立身行之餘力常

持

集作當官

堅正秉操孤貞

集作直

縱居要劇不忘清淨

集作靜

實見時輩許以高流至於晚年彌加進道端坐虛室念

茲無生乘興為文未曾廢筆

集作未嘗廢業

或散朋友之上或

留篋笥之中臣近搜求尚慮零落詩筆共成十卷今且

隨表進上

集作奉進

曲承天鑒下訪遺文魂而有知荷寵光

於幽窆沒而不朽成大名於聖朝臣不勝感戴悲歡之
至謹奉表以聞臣縉誠惶誠懼

集作恐

頓首頓首謹言

進寶應長寧樂表

代宗

張謂

臣某言臣聞治定制禮功成作樂古先哲王不易之典
伏惟寶應元聖文武皇帝陛下纘堯立極繼武承天神
授五兵聖包七德頃歲自王邸登將壇祇奉廟謀龔行
天罰卷舒龍豹指麾而復洽陰陽誅翦鯨鯢顧盼而並
收河朔九鼎還重三光益明趙魏小康周秦大定伏見

所部寄住客前梨園供奉官梁州克義府果毅劉日進
新造寶應等凡十八曲其調合雅其聲用宮以歌盡言
以舞盡意夫雅者三代之樂貴之則鄭衛不行宮者五
音之名用之則角徵咸叙興亡理亂實繫於茲昔王令
言聽安公子失宮聲知隋氏禍敗非久今臣見寶應樂
用宮調知皇家運祚無疆故製造其詞發揮成曲庶登
樂府上達天朝謹附前梨園供奉官某進表以聞

進元和聖德詩表

憲宗

集以此表為元
和聖德詩序

韓愈

臣愈頓首再拜言曰臣伏見皇帝陛下即位以來誅流

姦臣朝廷清明無有欺弊

集作
敝

外斬楊惠琳劉闢以收

夏蜀東定青徐積年之叛海內怖駭不敢違越郊天告

廟神靈歡喜風雨明晦無不從順太平之期適當今日

臣蒙被恩澤日與羣臣序立紫宸殿下親望穆穆之光

况其職業又在以經籍教導國子誠宜率先作詩以

稱述

集作
道

盛德不可以詞語淺薄不足以自効為解輒

依古作四言元和聖德詩一篇凡十有二十四字指事
實錄具載明天子文武神聖以警動百姓耳目傳示無
極謹冒昧塵獻無任惶悚之至

集無此
十一字

進撰平蔡州

集作
淮西

碑文表

憲宗

前人

臣某言伏奉正月十四日勅牒已

集作
以

收復淮西羣臣

請刻石紀功明示天下為將來法式陛下推勞臣下允
其志願使臣撰平淮西碑文者聞命震駭心識顛倒是
非其所任為愧為恐經旬涉月不敢措手中謝竊惟自

古聖神之君既立殊功異德卓越之跡必有奇能博辯之士為時而生持簡操筆從而寫之各有品章條貫然後帝王之美巍巍煌煌

一作穆穆

充滿天地其載於書則堯

舜二典夏之禹貢殷之盤庚周之五誥於詩則玄鳥長發歸美殷宗清廟臣工小大二雅周王是歌辭事相稱善并美具號以為經列之學宮置師弟子讀而講之從始至今莫敢指斥嚮使撰次不得其人文字曖昧雖有美實其誰觀之辭跡俱亡善惡惟一然則茲事至大不

可輕以屬人伏以唐至陛下再登太平刻刮群姦灑掃
疆土天之所覆莫不賓順然而淮西之功尤為俊偉碑

石所刻動流億年必得作者然後可盡能事今詞學之

英所在成

蜀本作森
浙本作麻

列儒宗文師磊落相望外之則宰

相公卿郎官博士內之則翰林禁密游談侍從之臣不

可一一遽數召而使之無有不可至於臣者自知最為

淺陋顧貪恩侍

集作
待

趨以就事叢雜乖戾律呂失次乾

坤之容日月之光知其不可繪畫強顏為之以塞詔旨

罪當誅死其碑文今已撰成隨表謹錄封進無任慙惶

怖懼

集作慙
羞戰怖

之至

進平淮夷雅篇表

憲宗

柳宗元

臣宗元言臣負罪竄伏違尚書箋奏十有四年聖恩寬宥命守遐壤懷印曳綬有社有人臣宗元誠感誠荷頓首頓首伏惟睿聖文武皇帝陛下天造神斷克清大憝金鼓一動萬方畢臣太平之功中興之德推校千古無所與讓臣伏自忖度有方剛之力不得備戎行致死命

況今已無事思報國恩獨惟文章伏見周宣王時稱中
興其道彰大於後罕及然徵於詩大小雅其選徒出狩
則車攻吉日命官分土則崧高韓奕蒸人南征北伐則
六月采芑平淮夷則江漢常武鏗鉤炳耀盪人耳目故
宣王之形容與其輔佐由今望之若神人然此無他以
雅故也臣伏見陛下自即位已集作來平夏州夷劔南
取江東定河北今又發自天衷克翦淮右而大雅不作
臣誠不佞然不勝憤踊集作伏以朝多文臣不敢盡專

數事謹撰平淮夷雅二篇雖不及尹吉甫邵穆公等庶
施諸後代有以佐唐之光明謹昧死再拜以獻無任兢
懼之至臣某誠惶誠懼死罪死罪謹言

代國子陸博士進集注春秋表

憲宗

呂溫

臣某言臣聞惟睿作聖觀乎人文達則化成窮則垂訓
先師所以祖述堯舜志在春秋懸衡百王撥亂三季正
大當集作冠之本清至公之源通羣方以誠貞天下於一

動無不順道德之要

集作
玄

機斷無不齊帝王之利器而

梁木既壞生知蓋寡三傳得失索隱未周羣儒異同致
遠皆泥沒微言於滋蔓亡要旨於多岐奧室不開漫逾

千祀天其或者將有俟焉伏惟陛下德合乾坤明並日

月氣和物茂遠至邇安欲以人情為田講學而耨鎮定

皇極耀

集作
輝

光時雍道之將行實在今日臣不揣蒙陋

斐然有志思窺聖奧仰奉文明以故潤州丹陽縣主簿
臣啖助為嚴師以故洋州刺史臣趙匡為益友考左氏

之疎密辨公穀之善否務去異端用明本意助或未盡
敢讓當仁匡有可行亦刈其楚輒集注春秋經文勒成
十卷上下千載研覃三紀玄首雖白濁河已清微臣何

幸與道偕

集作相

遇竊以德之匪隣骨肉無應道苟訢合

英華作道之苟合非

古今相知然則堯舜之心非宣尼不見宣尼

之志非陛下不行庶因儀鳳之辰永洗獲麟之恨臣官

忝國學思非出位以

集作道

為家寶罪實欺天謹昧死寫

前件書詣東上閣門奉進伏候聖旨輕黷宸嚴魂爽飛

越無任

代百寮進農書表

憲宗

前人

臣某等言臣等伏准故事每年二月一日以農務方興
令百寮具則天大聖皇后所刪定兆人本業記奉進者
中謝臣聞不愛牲玉祈穀于圓丘可以致誠未足以勸

農

集作
為

躬秉耒耜籍田於

集作
于

千畝可以示勸未足以

教人必也殷天地之和順陰陽之理利其器用精厥法
式行集作
變之而不倦動之而不勞四海靡而風行百姓

迷其日用弘我政本實惟農書伏惟睿聖文武皇帝陛下德茂生成道光慈儉捐金而實穀菲食而粒民考堯典以授時稽禹貢而任土潔粢盛而大事在祀銷劍戟而盡力為農豐年屢薦於郊歌嘉瑞繼書集作光於國史

而不自滿假惟懷永圖每至獻歲載陽仲春初吉俯察土膏之候仰觀晨正之祥經始歲功導揚生德微有司之舊典奉先后之遺文深居穆清親覽奧妙匪崇朝而盡更田畝不出戶而遍洽人情見梓草坏土之艱知寒

耕熱耨之苦宸心感念剛畝昭蘇一歎而時雨先飛三
復而春雷自起臣等業慙學校祿過代耕親承務本之
風日奉在勤之訓三時不害觀玉燭於氤氳九扈孔脩
賀生靈於富庶謹繕寫前件書凡二十篇共成三卷謹
詣東上閣門奉表陳獻以聞

為羽林李景略將軍進射鴈歌表

令狐楚

臣某言伏惟皇帝陛下某月日臨御某殿射飛鴈一隻

應弦而落歡動宮闈武暢環衛中謝臣家世為將揚聲
朔野弧矢之事少嘗習焉每張侯為鵠注鏃而釋期於
必中十不一二今則禽飛於青冥之際箭發于倏忽之
間一聲劈雲雙翼墜地此皆神授審固靈扶端直以成
陛下神武之威也臣才質無取蒙恩深厚脫劍免胄之
餘輒思撰射鴈歌一章隨此上獻誠不敢繼抗墜列風
雅姑以抒下情宣上德附於大武之末而登歌焉無任
歡忭怔營之至

進撰江西韋大夫遺愛碑文表

宣宗

杜牧

臣某言奉某月日勅牒令撰故江西觀察使韋丹遺愛
碑文臣官卑人微素無文學恩生望外事出非常承命
震驚以榮為懼伏以洪為州府逾於千載

集作
年

言念疲

羸常患

英華作
為非

水火風俗如此改革無因韋丹愛朝廷

分憂為百姓去弊不踐舊跡特建宏謀凡三年苦心去
千歲大患兼之灌溉種時豐其衣食渤海潁川之理邵

父杜母之恩校之於丹未足為比伏惟皇帝陛下陟降
順帝施設如神納諫若轉丸去惡如反掌是以兵刑措
寢年穀豐登而猶念切疲人及於循吏緬韋丹所集作已

効之績慰江西去思之心特與彰揚創為碑紀是宜使
內署學士西掖詞臣振發雄文流傳後代至於臣者最

為鄙蕪

集作陋

明命忽臨牢讓無路俯仰慙懼神魂驚飛

臣不敢深引古文廣徵樸學但首叙元和中興得人之
盛次述韋丹在任為理之切事必直書詞無華飾所冀

通衢一建百姓皆觀事事

一作勸

彰明人人曉會但率誠

樸不近文章受曲被之恩私如生羽翼報非次之拔擢
宜裂肝腸無任感激懇悃血誠之至其碑文本謹隨狀
封進以聞

史館王相公進和詩表

錢珣

臣某言臣聞在心為志發言為詩志通而若啓源流詩
作而自合律呂伏惟陛下道惟恭默稟在文思永圖欲
漸於無為睿覽且明於多暇因臨丹壑遂躡金繩喜物

象之澄清假詠歌而放曠聲傳天籟韻合霜鐘篇殊黃
竹之名辭掩白雲之美臣等逢時竊位敢並韋平應詔
屬詞文非顏謝徒偶昭融之運獲聞雅正之音傾聽不
知愧延陵之季子試吹必濫比南郭之先生但思叅列
輔臣安得首違聖旨輒同擊壤仰和貫珠誠懷鄭衛之
慙但感宮商之說星辰自轉難叅旭日之光鞀鼓空鳴
莫續春雷之響其奉和御製五言七言詩二首謹錄進
上塵瀆聖鑒臣無任循省惶越之至

舉薦

薦鮑幾

梁書作
機下同

梁元帝

臣某言臣聞思皇多士仄陋所以明敷疇咨熙載髦俊
所以並作斯固殷殿初基拾龍淵之寶虞祠始構獻鳳
管之王旌蒲出魯賁帛歸齊頌聲既興盛業斯在伏惟
陛下則天緯地乘正馭才沙汰八風澄明六合叶龜登
夢之容日賁於丘園韋轂投釣之臣相望於魏闕故已
物無遺寶矣振鷺有充庭之謳白駒罕空谷之詠洋洋

濟濟無得而稱者焉臣誠

一作識

愧知才職非選舉竊以

進賢上賞蔽賢顯戮敢緣斯義用舉所知伏見臣府中

錄事參軍東海鮑幾年五十有七字景玄門庭雍睦立

身貞退博涉文史頗閑刀筆忠公抗直出宰廡平雅志

弘深安貧專靜解巾入仕三十餘年自遊臣府一紀于

茲前宰東邑實有二魯之風近處南臺欲尊兩鮑之則

伏揆天嚴已當簡在脫蒙顯居良局登以清貫將齊毛

玠古人之服實同吳隱酌水之廡昔丁隈牧州陳顧翟

之好禮徐靖為郡薦袁真之篤學桓範驅傳先舉管寧
朱則剖符亦稱董直臣才非往哲識愧前脩輕塵聽覽
伏待斧鉞謹奉表

薦顧協表

梁相東王

即元帝也

臣聞貢玉之士歸之潤山論珠之人出於枯岸是以芻
蕘之言擇於廊廟者也臣府魚記室叅軍吳郡顧協行
稱閭里學魚文義服膺道素雅量濼遠安貧專靜奉公
抗直傍闕知己志不自營年方六十家一作室無妻子臣

欲言於官人申其屈滯協必苦執貞退立志難奪可謂
東南之遺寶矣伏惟陛下未明求衣思賢如渴爰發明
詔各舉所知識非許郭雖無知人之鑒若守固無言懼
貽蔽賢之咎昔孔愉表韓伯一作續疑當作續按晉書
隱逸韓續傳孔愉薦之詔以安車束帛徵之
韓伯傳無此字之才庾亮薦翟湯之德臣雖未齒二
臣協實無慙兩士

一作皆梁書顧協傳

為字文戶部薦隱淪表

樊衡

臣某言臣將使之辰特奉天旨念及遺逸委臣明敷魚

恤屢空令臣賙給臣謹依制命宣布遐邇承風籍一作籍

響隱淪皆出考其精尤所得如右伏惟陛下恢徵士之

典飾蒲車之儀一作義昭示海內令知聖朝有寵賢之盛

臣之報國志願畢矣孰知多士盈朝四門已集微臣所

奏不動聖衷誠願陛下留意才難願求邦本山高惟積

不厭高深芻蕘有裨伏希裁擇臣無任懇迫之至

自舉表 玄宗

蘇源明

草莽臣某言臣實陋微素乏才業將遂長往守此無用
天鑒孔明澤覃幽僻伏奉今年正月五日制詣闕自舉
不次之私無限於物豈伊庸非所當膺荷伏惟開元神
武皇帝陛下道審旒宸德享天地忝在草木幸均雷雨
朝夕微命虛受臣生偃卧窮數詎知帝力展義介丘肆
覲群后得列庶人之間不在役夫之上王者能事邦家
烈光耳未前聞目所畢覩載懷涵育無荅造化孰謂聖
恩曲貸巖壑顧漸庸近何階對敷臣聞明主之臨下也務

求才以自輔量能以自進臣才非令問譽寂鄉黨志尚
庸寡理絕聞知縣令臣柳國狀臣於編戶之中刺史臣
柳絳諭臣以明制之意且臣山東一布衣耳在昇平之
時徵求之口非自察者難審其可苟欲避嚴令發困蒙
心靈震越寢寐驚悸無任承恩喜躍之至

責躬薦弟表

肅宗

王維

臣維稽首言臣年老力衰心昏眼暗自料涯分其壽

集作

能幾何久竊天官每兢集作尸素頃又沒於逆賊不能

殺身負國偷生以至今日陛下矜其懦

集作愚

弱託病彼

囚不賜疵瑕繫遷省閣

集作門非

昭洗罪累每負惡名在於

微臣百生萬死

集作足非

昔在賊池泣血自思一日得見聖

朝即願出家脩道及奉聖主伏戀仁恩貪冒官禁荏苒

歲月不知止足尚忝簪裾昔

集作始

願屢違私心自咎臣

又聞用不才之士才臣不來賞無功之人功臣不勸有

國大體為政本源非敢論議他人竊見

二字集作竊以兄弟自此

臣

弟蜀州刺史縉太原五年撫養百姓盡心為國竭力守

城臣即陷在賊中苟且死命臣忠不如第一也縉前後

効

集作
歷

任所在著聲臣忝職甚多曾無裨益臣政不如

第二也臣頃負累狀在三司縉上表祈哀請代臣罪臣

之於縉一無優恤

集作
憂憐

臣義不如第三也縉之判策屢

登甲科衆推才名素在臣上臣小言淺學不足謂文臣

才不如第四也縉言不忤物行不尚人植性謙和執心

平坦

集作
直

臣無度量實是空疎臣德不如第五也臣之

五短弟之五長加以有功又能為政顧臣謬官華省而

弟遠守方州外愧其

集作妨

賢內慙比義痛心疾首以日

為年臣又逼近懸車朝暮入地聞然孤獨迥無子孫弟
之與臣更相為命兩人又俱白首一別恐隔黃泉倘得
同居相視而沒泯滅之際魂魄有依伏乞盡削臣官放
歸田里賜弟散職令在朝行集作廷臣當苦行齋心弟自
竭誠盡節並願肝膽塗地隕越為期葵藿之心庶知向
日犬馬之意何足動天不勝私情懇迫之至

為王戶部薦李諒表

德宗

柳宗元

臣某言臣聞知賢必進忠臣之多集作大方擇善而舉明

主之要道况臣特受恩遇超絕古今報國之誠寤寐所

集作深切是敢竭愚臣之微分助陛下之至明恢張羽儀

弘輔理化臣誠惶誠恐頓首頓首竊見新授某官李諒

清明直方柔惠端信強以有理敏一作幹而甚文求之後

來畧無其比臣自任度支副使以諒為巡官未及薦聞

至一作去某月日荆南奏官勅下今見赴本道諒實國器

合在朝行臣之所知尤惜其去伏望天恩授以諫官使

備獻納冀他日公卿之任斯焉取斯則聖朝無乏士之名微臣緩蔽賢之罰無任誠懇屏營之至

舉前池州刺史張巖

一作巖自代表

德宗

李冉

臣某言伏惟建中元年正月五日制條諸州刺史授訖於四方館上表讓一人自代者前池州刺史張巖苦節立身直躬激俗潔廉惠愛特異常流自軍興已來職役繁重江淮百姓多有流亡張巖在任三年闢田加戶頃

因公坐法至免官在理可容原情堪錄臣當州自定兩
稅以來距今四歲戶口減省差科日增臣無政能坐待
顛躓使嚴代處必有成功伏望天恩遂臣誠請無任悃
款之至

文苑英華卷六百十一

欽定四庫全書

文苑英華卷六百十二

宋 李昉等 編

進祥瑞

齊王進白兔表一首

齊王進蒼烏表一首

齊王進赤雀表一首

為杭州刺史崔元將獻綠毛龜表一首

為司農卿宗晉卿進赤嘴山鵲表一首

為鳳閣侍郎進瑞牛一頭額上有萬字蒙賜馬一
疋表一首

為鳳閣侍郎李元素進冬椹表一首

為留守奏慶山醴泉表一首

為留守奏羊乳麀表一首

為留守奏嘉禾表一首 進鬪羊表一首

為李北海作進芝草表一首

為揚州李長史作千秋節進毛龜表一首

進文馬表一首

為崔中丞進白鼠表一首

廬州進嘉禾表一首

進異馬駒表一首

為太原李說尚書進白兔表一首

齊王進白兔表

庾信

臣聞輿圖欲遠則玉虎晨鳴轍迹方開則銀虜入貢伏
惟陛下明明在上翼翼居尊德動天關威移地軸是以
風煙照燭毛羽禎祥史不絕書府無虛日臣受服元戎
用綏邊鄙轅門所屆始次熊山前茅慮無乃獲白兔光

鮮越雉色麗秦狐月德符徵金精表瑞呈祥輿頌効異
披圖尊敬之迹既明應事之機斯兆臣之龔行實從陝
略瑞以素質彌雄西氣庶重承廟筭方事申威揜代偃
齊分韓裂趙不任見藻踴躍之情云

齊王進蒼烏表

前人

臣某言臣聞飛南陽之雉尚聞霸圖下建章之鵠一作鶴

猶調和氣況乃虞庭告瑞姬社呈祥咸高識哺之心實

貴能知之性伏惟皇帝陛下德教百姓孝刑一作刑於四海

攝提從紀天下文明是以東海輸禽乍改黔質西山度
羽或變蒼精臣去月三十日行到陝州獲大都督莫仁
回樂列稱於州射堂內見一蒼烏林薄回翔循環不去
駐來木之精轉司風之翼即召儀同某甲等同時觀見
斯實禮敬所覃孝慈之感理宜歸瑞秘圖書祥帝冊用
光至德取效昇平無令赤鳳留止偏為瘞王之歌玄鶴
徘徊獨擅街珠之舞

齊王進赤雀表

前人

臣某言臣聞南陽雉飛尚論秦霸建章鵠

一作鶴

下猶明

漢德當今天不愛寶地必呈祥自應長樂觀符文昌啓
瑞伏惟皇帝欽明文思惟以勗勞成務歷象日月允釐
百工海水無波天星不動去四月十三日獲隴右符府
叅軍李暉牒稱戶屬秦州清水郡伯陽縣文谷林在家
庭獲一赤雀光同朱鳳色類丹烏降火飛精似入公車
之府流金成製若上凌雲之臺謹按赤雀銜書止於鄴
戶周之受命興乎此祥即事所觀同符合契實可圖形

瑞講書頌儒林事足成臺名堪紀號豈直一作有非雲中太
守見赤心之奉主蓬萊童子知白環之報恩臣等預觀
休徵情迫恒慶不任鳧藻之至

為杭州刺史崔元將獻綠毛龜表

李嶠

臣某言臣聞五氣殊方元龜列於玄武四靈異稟神蔡
遊於紫泉用能藏往知來發祥祚聖大禹之永終天祿
文薦九疇隆姬之乃命帝庭兆言三吉永言秘寶錄存

鱓簡伏惟金輪聖神皇帝陛下蘊靈沙劫屈道壻樞推正
覺而御彛倫弘大悲而撫群俗雲行雨施之澤下漏三
泉春生夏長之人曲成萬物恩洎草木惠覃飛走天澤
感氣而延和神靈應德而呈瑞伏見所部錢塘縣人聶
幹於市內水中獲毛龜一枚脩尾長頭玄甲綠毳名掩
於楚宗狀竒於靈繹雖六眸在首未足尚其禎祥五色
成文詎能齊其詭異伏叢著而自久下蓮芳而暫出美
魚曠代休踰群祉謹按孫氏瑞應圖曰王者德澤湛漬

漁獵從時則靈龜出禮含文嘉曰內外之制各得其宜
則山澤出靈龜陛下解網收罟弘天地之大德創制改
物窮帝王之能事宜其膺受冥貺克享珍符且益有十
朋表賢才之入用壽踰千祀彰聖歷之無彊嘉祉不召
而自臻乾象無祈而潛應臣謬當重寄親奉洪庥靈異爰
臻既駭於常觀忤舞胥屬實魚於恒品無任慶躍之至
為司農卿宗晉卿進赤觚山鵲表

前人

臣晉卿言昨於宿羽亭子園內捉得赤背山鵲一枚其
鳥有三足中足有五指近人相託爪上有毛儀觀非常
精彩特異雖貌在禽類而名高羽族鮮毛孕碧勁背含
丹三足呈休與黔鳥而比孝五指為瑞共白麟而同德
填河未足方其美繞樹無以儷其珍故使綠衣翠襟羞
言辯惠藻翰錦臆憚稱竒偉將明天子之德遂入虞人之
羅自非睿感潛通禎符顯應豈能殊祥畢湊異物咸臻
曠千古而難逢超百王而獨異臣謬叅簪笏忝列葭莩

忭躍之情實倍恒品無任喜慶之至謹奉表稱賀以聞
其山鵲謹隨表同進

為鳳閣李侍郎進瑞

一作

牛一頭額上有萬字

蒙賜馬一匹表

前人

臣某言臣昨輕率愚陋進瑞牛一頭今蒙恩賜良馬一
匹伏惟陛下道超萬古化穆三神故得天壤薦成幽明
歸奉植物動類變形質而呈休羽族毛羣草音容而表
貺萬為盈數化成於大武之元物者粹文煥炳於純離

之畜斯乃自天靈命曠代殊祥實上聖之元符在微臣
之何力猥蒙宸獎曲被皇慈移滅沒於帝閑降權竒於
御阜漢宮流赭遂出於玉臺軒后飛黃俯回於馳道一作
室聲豈直衣冠同羨固亦妻子相驚臣亦何人冒斯殊寵
惟當附茲驥尾希自勵於疲駑託此龍媒庶長承於驅
策無任悚戴之至謹奉表陳謝以聞

為鳳閣侍郎李元素進冬堪表

前人

臣某言聞京兆萬年縣大寧坊宅內有桑樹一株暮秋生子初冬堪熟今謹取得專輒進奉伏惟陛下惠覃區寓仁洎草木故得神蠶之樹發秀於寒露之辰帝女之林結實於繁霜之下出於萬年之界彰一人萬歲之符生自大寧之坊表群生大安之慶鳴鴉已草見夷貊之懷音絲蠶行豐見府藏之逾實殊禎荐委絕貺仍臻凡在含生孰不欣慶無任忭躍之至謹奉表陳賀以聞

為留守作奏慶山醴泉表

武后

張

說

臣某言臣聞至德洞微天鑒不遠休徵秘景時和則見
是知綿代曠歷慶牒祥經帝王有必感之符神靈無虛
出集作應之瑞伏惟天冊金輪聖神皇帝陛下金鏡御天

璿衡考政欽若玄象弘濟蒼旻茂功將大造混成純化
與陽和俱扇朝百神之樂職宅萬國之歡心嘉氣內充
淫雨外息豈止搖風紀月之草列蔭於堦厨儀簫御錄
之禽相鳴於戶閣而已固有發禎厚載抽貺泉源表玄
德之潛通顯黃祇之昭報臣去集作於六月二十五日得

所部萬年縣令鄭國忠狀稱去六月十四日縣界霸陵

鄉有慶山見醴泉出臣謹差司戶

集作戶曹

叅軍孫履直對

山側

集作中

百姓檢問得狀其山平地湧拔周回數里列

置三峯齊高百仞山見之日天青如雲

集作天晴無雲

異雷雨

集作風雲非之遷徙非崖岸之騫震歛爾隆崇巍然葱鬱

陌如舊草樹不移驗益地之祥圖知太乙之靈化山南

又有醴泉三道引注三池分流接潤連山對浦各深丈

餘廣百步味色甘潔特異常泉比僊漿於軒后均愈疾

於漢代臣按孫氏瑞應圖曰慶山者德茂則生臣又按

白虎通曰醴泉者義泉也可以養老常出於京師禮斗

威儀曰人君乘土而王其政太平則醴泉湧潛潭集無潭字

巴曰君臣和德道度叶中則醴泉出臣竊以五行推之

六月土王神在未母之象也土為宮君之義也水為智

土為信集作仁水伏於土臣之道也水相於金子之佐也

今土以月王而高水從土制而靜天意若曰母王君尊

良臣善相仁化致理德茂時平之應也臣又以山為鎮

國水實利人縣有萬年之名山得三仙之類此蓋金契

集作

景福寶祚昌圖邦固不移之基君永無疆之壽自

永昌之後迄于

集作

茲辰地寶屢昇神山再聳未若連

巖結慶並泌䟽

英華作疎非

甘群瑞同區二美齊舉高視今

古

集作古

曾無擬議信可以紀元立號薦廟登郊彰貴億

齡愉衍萬宇臣厚司京尹忝寄留臺牧西土

集作夏

之疲

人荷東蕃之餘寵游沫鴻露

集作霈

震悚明神禧祉有歸

集作神禧嘉祉物感有歸

光啟茲部喜觀殊觀實百恒流踴躍一隅

馳誠雙闕伏請宣付史館頒示朝廷無任鳧藻之至謹
遣某官進圖奉進

為留守奏羊乳麀表

武后

前人

臣某言臣聞靈感無方每先時以見象神監

集作鑒

不昧

必憑物以示人有德著而休歸或祥來而事應伏惟天
策金輪聖神皇帝陛下端冕馭天舞干柔遠南越瑞貢
久通譯而歸仁西域奇山近隨方而應聖臣今日
得所部萬年縣令鄭國忠狀送新出慶山下殺牝羊乳

麇麇一頭狎擾因依動息隨戀如生

集作從

所產若素同

羣理有可嘉事無前例臣聞異物

集作竊以異類

相育外方慕

化之徵野畜自馴荒服來王之兆必有遠夷解辯歡心

百獸之庭獷俗懷音稽首三朝

集作稽顙三乘

之會臣言可驗

翹足自期昔馬或生羊易占得人安之體犬時養彘天

鏡顯代康之文援此比蹤實為同貫况復晨飲醴浦夕

下靈山翳仙杏之竒花拾嘉禾之餘穗羊禎甚玉麇慶

踰

集作如

銀晦朔未移祥符累集福應之盛今

集作前

古未

聞臣忝尹京都屢薦嘉瑞慶忭

集作忭

之至兼倍恒流謹

差某官奉表隨進

為留守奏嘉禾表

武后

前人

臣某言臣聞天聽自人神和在德代非乏瑞罕遇

開一作

交泰之期福不虛徵必俟休明之主伏惟天冊金輪聖

神皇帝陛下仁覆萬靈孝理四海功莫

集作罔

高於尊祖

道莫大於配天嚴備郊禋崇肅宗祀秩百王之禮兼六

代之樂恩

集作化

溢膠庠訓優更老政每先於帝籍役不

黍

集作
奪

於農時嘉氣橫游

集作
浮

祥風紛灑騰文煒色九

光連合於貞明逸輩殊倫

集作
送

百寶駢滋於動植臣

今日奉進旨告望鳳臺慶山醴泉之瑞其日於山陵

東

三字集
作東山

栢城內得嘉禾一木臣初見衆苗巨壟香穎

垂秋嘉玩

集作
翫

繁滋欲觀成粒左右無識折以呈臣異

其綠葉緩舒蔥芒壁秀熟視竒狀乃知嘉祥下則異畝

合莖上又同連雙穗昔雍熙之代政理之君雖導出應

時而生不擇地未有託根神域彰孝德之能深吐秀壽

宮助染盛之豐潔此蓋睿誠通感靈

集作天

祐降祥中古

以來未覩斯美臣籍慶宗枝久沐星潢之潤躬持瑞穎
預奉天保之符忭悅之誠倍魚恒品

進鬪羊表

玄宗

前人

臣某言臣聞勇士冠鷄武夫戴鶡推情舉類獲此鬪羊
遠生越雋蓄情剛決敵不避強戰不顧死雖為微物志
不可挫伏惟陛下選良家於六郡求猛士於四方鳥無
遁材獸不藏伎如蒙効竒靈囿角力天塲却鼓怒以作

氣前踣躅以奮擊

疾也古九切

若奔雲之交觸碎如轉石之

相叩裂骨賭勝濺血爭雄敢毅見而充冠鷲狼聞而擊

節莫將少助明主市駿骨揖怒蛙之意也若使羊能言

必將曰苦鬪不解立有死者所賴

一作願

至仁無殘量力

取勸焉臣緣損足未堪履地謹遣男附馬都尉埴謹詣

金闕

舊唐書作明

門陳進輕冒宸嚴伏深戰越

為李北海作進芝草表

玄宗

蕭穎士

臣某言臣聞郊祀盡敬粢盛豐潔則天降休祉地生靈

芝大哉斯元和正氣有感而昭敷者爾古先哲后所由
盡心臣本郡道學講堂中梁有芝英產見六莖共本正
向堂門素色純淨流輝棟宇臣遐考曩厯旁窺瑞牒多
矣至若神爵九枝青龍三幹菌蠢池籙歲蕤甸服猶復
登諸宗廟被以頌聲又况極道德之至精鏘玄元之景
命超漢軼魏光圖掩牒之秘瑞伏惟開元天寶聖文神
武皇帝陛下大孝尊先玄功兆物與清宮於群國驅赤
縣於仁壽天弗違而寶厯重昌瑞有荅而金莖一作英特

秀觀其審曲面勢負陰抱陽當九月而生聿符陽數擬
六莖之表遙叶樂章昭聖祚於天長返皇風於古始加
之水霰奪色縹塵不染迎曉日而相鮮與秋雲一作空而

共潔雖復晨敷者五競爽於丹田歲秀者三擢榮於玄
圃以茲視彼奚其瑣碎臣姓忝宗枝任叨藩首一作揚

吹萬之化預稟陶鈞聳倍百之情寧忘肺腑

為揚州李長史作千秋節進毛龜表玄宗

前人

臣某言臣聞在昔上皇之御極也則玄化有助嘉祥必

臻故升中於天而四靈

一作靈

是格若夫出洛登壇青文

丹甲之瑞王霸以降遼哉曷乎不可得而聞已然其緬

邈郊藪威夷簡牒與時而升降者亦徃徃而存未有含

道德之純粹闡祖宗之休命俯視千載潛通百靈允符

秘祉若今之盛者也伏惟皇帝陛下至誠允迪懸解自

衷神有契而斯輔道惟深而不測故鉛銖繫表寤寐胥

庭七曜垂文則玄言

一作元

焯叙千秋表節則綠錯來儀

以今月某日所部江都縣崇虛觀講聖注道德經於玄
元皇帝座隅有毛龜出見翠一作羣毫金介燦日霏烟迹
殊生育來緣感召應陛下長靈之期符先聖谷神之妙
知來藏往實見於茲休徵委集萬方幸甚手舞足蹈倍
百恒情無任喜悅之至謹奉表以聞

進文馬表

李邕

臣某言臣聞禽獸殊祥卉木竒狀自古者疑也必有應
焉伏惟陛下德合天地道通神明天地所以來神物所

以見且麟者仁獸主仁者則呈馬者文身君文者即
則降曾是上叶尊號下報太平也觀夫豹蔚騰文龍章
助聖書籍所未載耳目所未聞即知非常之君必有非
常之物臣不勝忭躍欣慶之至謹遣某官馳表奉進以
聞臣某誠惶誠恐

為崔中丞進白鼠表

李丹

臣某言以今月某日於所部宣城縣謝亭鄉百姓姚德
家獲白鼠一素毛毳然淨若冰雪體貌閒暇異於其倫

臣為一作謂白者少陰之色也鼠者陰姦人之象也夫以

晝伏夜動之質穴社穿墉之姿而乃稟金方之正色投
籠檻以馴擾此蓋小人革性之瑞西戎授首之符臣某
中謝臣又聞白虎白鼠皆金行之祥也且獸之大者莫
勇於虎獸之小者莫怯於鼠前志有之曰用之則如虎
不用則如鼠則虎之與鼠其類之極乎臣愚以為天之
意者又以鼠警陛下耳夫犬戎猾夏者乘金方沴氣也
陛下若臨之以律防之以時則雖強如虎將弱如鼠矣

陛下若臨之失律防之後時則雖弱如鼠將強如虎矣
今犬戎未滅秋律始行伏願陛下鑒上天之炯誠納微
臣之芻詞考金行從草之儀徵虎鼠強弱之勢則當西
極月窟率來王矣况復蠢爾犬戎乎無任

廬州進嘉禾表

符載

臣某言得廬州刺史裴靖狀稱巢縣百姓唐海海母喪廬
墓手自耕植以備祠祭無何於粟田之中輒產嘉禾一
本六穗一本五穗即時差錄事叅軍朱寧丁寧考驗事

狀明白臣聞感天地者存乎誠通神明者極乎孝蘊而
為精粹發而為禎祥上玄與之獻酬后土為之泄露故
使騰芳高隴擢穎清秋冠九穀之英英增大田之藹藹
此皆陛下聖德茂鴻化洽名教立風俗厚生人之內有
溥孝靈瑞之下有嘉禾邁風烈於前王與丹青於唐史
不然何幽薺玄答其若是乎臣猥以純劣祇守風土宣
陛下之恩澤撫陛下之庶眚覩茲盛美光榮耳目不勝
歡忭踴躍之至

進異馬駒表

令狐楚

臣某言得當道征馬使穆林狀稱忻州定襄縣王進封
村界去五月十二日夜孳化一作生馬羣內異駒一疋白

駟文馬畫圖送到者臣謹差虞候辛峻專往考驗并母
取到太原府而毛色變換與青駟色駝頭跌額紅鼻肉
駿尾上茸毛額帶星及旋肋骨左右各十八枝四蹄青
兩眼黑續得穆林狀稱當生之夜羣馬皆嘶靈質炳然
休徵備矣臣某中謝臣聞馬之精也自天而降馬之功

也行地無疆是以武藉其威文榮其德謹按馬經云肋
數十六者行千里伏惟陛下握負圖之瑞惣服阜之靈
異物殊祥蔚然叢集臣觀前件駒靈表挺特雄姿逸異
頸昂昂而鳳顧尾宛宛以蛇蟠信坤元之利貞誠太乙
之玄貺自將到府便麗于宮每飲以清池牧于芳草則
彌日翹立驅之不前及長風時來微雨新霽輒驥首奔
騁追之莫及臣某恒親省視專遣柔馴倘駿骨峯生竒
毛日就獲登華旣既備屬車遠齊飛兔之名上奉應龍

之馭天下大慶微臣至願見今養飼至秋中即專進獻
伏惟陛下魚愛好奇想其風彩今謹圖畫隨表上進伏
乞聖恩宣付史館俾此不烈垂于無窮臣無任戰越之

至

為太原李說尚書進白兔表

見六百四十
二卷進貢門

前人

文苑英華卷六百十二

欽定四庫全書

集部

文苑英華卷六百十三
五

三至

詳校官給事中_臣李臺

助教_臣常循履勛

總校官進士_臣朱鈞

校對官中書_臣王瓚

謄錄監生_臣陳煜

欽定四庫全書

文苑英華卷六百十三

宋 李昉等 編

雜進奉

此卷英華所編失年代先後今正之

為晉陽公進玉律秤尺斗升表一首

為并州長史張仁亶進九鼎銘表一首

為僧履空進圖書古器物等表一首

為蜀州刺史第八息進雲母粉表一首

代崔大夫進銅燈樹表一首

進佛像表一首

進渾儀表一首

為獨孤中丞天長節進鏡表一首

進畫松竹圖表一首

為信安王進寫聖容真圖表一首

齊賓客進所賜馬表一首

脩進繼天誕聖樂表一首

進嶺南王館市舶使院圖表一首

上禮食

為絳州刺史孔禎等上獻食表一首

為納言姚璠等上禮食表一首

為定王上禮食表一首

為魏王賀賊帥李盡滅死及新殿成上禮食表一首

為建安郡王獻食表一首

皇太子食表一首

為韋將軍請上禮食表一首

雜進奉

為晉陽公進玉律秤尺斗升表 庾 信

臣某言臣聞三才既立君臣之道已陳六位時成禮樂之功斯正故以叶和日月測度陰陽悅豫兆人儀刑萬國者也伏惟皇帝應籙馭天披圖受命據太陽而懸象履文昌而建極白環表讓德之符玄珪告成功之瑞太階既平升中可習必當水建千年山稱萬歲伏見勅旨刊正音律平章曆象奏黃鐘而歌大呂變孤竹而舞雲

門莫不遠取踈通聲從安樂四分既明三微且定是以
聞鐘於洛浦即辨聲乖聽鐸於邯鄲先知響韻二分二
至行於司歷之官九變九成被於中和之職足以動天
地感鬼神被風俗平寒暑豈直吟嘯谿谷回翔鸞鳳而
已哉是知零陵廟前徒尋舜管始平城下空論周尺臣
聞上製其禮下習其儀君定其法臣行其事謹造玉律
一具并玉秤尺斗升合等始得成功至於分粟累黍量
絲數籥實以仰稟聖規叅詳神思所冀節移陰管無勞

河內之灰氣動陽鐘不待金門之竹而琬琰事輕般倖
慮淺不足展乎成均增輝度量賈器奉表以聞

為并州長史張仁亶進九鼎銘表

武后

吳少微

臣聞鼎者夏后氏作羣牧貢金遠方圖物備諸山澤以
禦魑魅厥後嗣子昏回

一作嗣
德昏亂

鼎遷于商夏之寶也杞

不足徵殷既有之又患失之周德休明神寶不墜百代
可繼伏惟陛下光大而當之若乃崇貴之器金玉之鼎

鎔首山發睢上列太廟序明堂克昭

一作明非

靈命以奉上

帝非愚臣所敢議臣聞禮之興也始諸飲食故先王之

制日舉九鼎蓋筠藥淳熬滌瀹

一作澄

膏餌御九州之美

順四時之和臣所以征繕北金敢貢新鼎夫有器必有

銘臣竊見九州攸同迺述九號夫永昌天中所以基皇

周也長安及岐所以紀靈瑞也武興建都所以光帝閉也

禮日觀禪雲亭所以美升中也少陽戴青所以冀儲德

也東原底平所以廣封植也江都淮海所以肆朝宗也

江陵作又

一作鎮

所以制荆蠻也成都與區所以過珍貢

也夫此九者誠不足榆衍鴻休昭振方統庶覩者美其

所稱知有由作微臣朽老不達

一有有慙二字

歌頌慚

作塵

八命

之寵章負中軍之重任匪躬厥獻伏表汗流其九鼎銘

謹遣某官奉表以聞

八字一作謹敢列上謹遣某官某奉鼎以聞

為僧履空進圖書古器物等表

閻丘均

僧履空言履空幸沐國恩謬齒和衆雖居隣壤志尚幽

古禮誦之餘每得披玩前件真迹書及圖書古物等積
集既久衆推竒異豈下僧蒙鄙之資所得自畜如將服
用必是保衛聖躬謹因括圖使臣某輒附進上表以聞
塵黷旒宸伏增蹶灼之至

爲蜀州刺史第八息進雲母粉表

武后

前人

臣某言伏按雲母者千二百玉石之精也七十二氣霧
之英體華而光不爲水毀不爲火煨夫萬物之精者神

氣所會未有不化神而能長久者也是以服食者則翺
翔自任役使百靈臣肌性虛羸小嬰疾苦務求攝理驗
討方書品丹石之名徵草木之氣前聖所錄粗知其體
即味消邪厲力輔神年類非難得之珍價無兼金之重
觸疾則愈莫若茲物伏惟越古金輪聖神皇帝陛下福
德所符天祚攸久豈假上藥方固南山然一日萬幾或
煩聖慮色力營衛一作必有相資臣從西山野人得其
良者其色多白乃是一作雲液臣不揆拙昧輒採古仙

是名

要方量事施藝剪棄粗類收聚輕英開潔清之所遠海
穢之迹浸以茅露洮以東流曠日彌時然後功就果得
光潤融爛質理研微試之柔膚隨手化滅皆云所見未
始相侔臣意其精殊倘涉靈秘豈以凡妄所敢貪嘗謹
詣朝堂敢冒死封進伏希陛下兼愛博物受其區區不
以凡人忽棄神寶無任下情

代崔大夫進銅燈樹表

薛昇

臣伏見兵戈以來紊亂法度小有權位即為僭奢殫物

竭財務恣嗜欲故俗無廉恥政有侵漁自陛下蕩穢滌
瑕躬儉節用漸清遠邇靡然從風夫以京邑翼翼四方
取則故曰城中好高髻四方高一尺城中好廣眉四方
且半額伏願陛下日慎一日使美化行乎萬邦夫先近
以及遠自家而及國文王所以造周也臣竊以所造燈
樹匠人計料用錢四萬貫道路運致又約一萬貫百姓
辛苦將辦實難况揚州到上都三千餘里州縣所過人
皆見之未審此物欲將何用若聖意別有所在即非愚

臣合知或有因時設施使夷夏共觀愚臣竊謂有力者
愛而效之侈心又萌何可復制非抑奢從儉敦本塞末
之道也昔漢文罷露臺之役晉武焚夏翟之裘豈徒惜
一女之功愛十家之產焚而罷之蓋欲慎所好而使天
下知所焚疑矣書之青史千載美談今陛下嚮明之理
美事多矣宜更昭儉德以示四方不軌不物明主所慎
臣叨居重位師長百寮心有所疑敢不聞奏伏惟聖鑒
裁擇臣某無任

進佛像表

張說

臣某言去年行塞至朔州忍辱尼寺見有高祖太宗造

金像銀趺刻題尊號

集作諱

彼州士女屢覩佛光臣懇思

聖心如在此尺伏以皇帝事業遠存荒塞拯溺救焚身

勤慮苦歸誠佛寶何神不據信知功遍區域澤周生人

心憑神

集作聖

靈躬履危險故皇天眷命奄有邦家後嗣

聖人欽承大寶當思積德而興帝國系本艱難而成事

業

二句集作當思由積德而興帝系本艱難而成王業

先聖一心奉佛者蓋為百

姓求福也陛下為繼文之主寶創業之功再廓氛祲重
安廟社垂統萬億同符祖宗夫惟興王必藉佐命咸有
一德克享天心書曰非天私我有商惟天佑于一德非
商求于下民惟民歸于一德功臣同德可不念哉物有
小而感深事有微而効集作傳遠臣謹將金像隨表奉進
謹言

進渾儀表

玄宗

前人

臣某言臣聞迎日授時莫先於厯象先天成務必歸於

制作伏惟開元神武皇帝陛下建中立極緯武經文至

德難名神功不

集作莫

測於是定歷成歲立象考天紹唐堯

欽若之尊

集作典

一作文繼

集作尊虞舜在璿之義上皇能事於

斯備矣臣書院先奉勅造游儀以測七曜盈縮去年六

月造畢進奏又承

集作奉

恩旨更立渾儀臣等準勅令左

衛率府長史梁令瓚檢校創造於是博考傳記舊有張

衡陸績王蕃錢樂之等並造斯器雖渾體有象而不能

運行事非經久旋即

一作亦

毀廢臣今按據典故鑄銅為

儀圓以像天使得俯察上具列宿赤道周天度數注水

激輪令其自轉

集作運

一日一夜天轉一周又別立二周

輪絡在天外綴以日月令得運行每天轉一匝日行一

度月行十三度十九分度之七凡二十九轉有餘而日

月會三百六十五轉而行匝仍置水

一作水

櫃以為地平

令儀半在地上半在地下晦明朔望不差毫髮又立二

木人於地平之上前置鐘鼓以候辰刻每一刻則自然

擊鼓每一辰則自然撞鐘皆於櫃中各施輪軸鑄鍵交

錯闕鑠相持轉運雖同而遲速各異周而復始循環不

息陰陽不能逃其數分至

集作度分

不能隱其時究天地之

回斡

集作斡運

極乾坤之變化斯皆上稟聖謨

集作模

傍獲神

助臣等愚思非所能及望錄付史館宣示百寮使知告
成之功迫超前古無任懃懇之極謹隨表奉進以聞臣
某誠惶誠懼

為獨孤中丞天長節進鏡表

肅宗

獨孤及

臣某言臣仕於太上聖皇之朝早蒙寵秩位至剖竹任
兼干城摩頂至踵皆聖皇所賜陛下又不以臣菲薄加
臣憲威殊私降臨榮命重疊臣頃雖罄誠竭節竟未能
夷凶靖難思所以仰酬天造緬邈無階以去年五月五
日於淮陽鑄上件鏡欲獻之行在為聖皇壽冀申犬馬
之意臣子之心屬豺狼方熾道路艱阻懇願空積上達
無由今宸極正而乾坤貞觀氛霧收而日月開朗當白
露戒序之秋是黃河澄清之日臣幸逢佳節願展微誠

謹遣某官某乙進上件二鏡一獻聖皇一獻陛下輒以

愚悃上黷聖聰

集作上
續聖壽

臣伏以聖皇執契垂化有如金

玉之式陛下時乘馭天騁飛龍於國步臣故以金龍飾
鏡以表聖德伏冀纖塵莫翳朗鑒長懸挂仙臺而如日
之昇含品物而無私不照而臣之肝膽亦庶呈於此輕
瀆宸扆戰越交深臣無任之至

進畫松竹圖表

德宗四月
十九日生

于邵

臣某言伏以今月十九日累聖儲休之日陛下降誕之

辰聲教所加舟車所及固將駿奔大慶鼓舞升平瞻北
極而效誠匝南山而獻壽臣輒率鄙思繪松竹圖一面
并陳贊頌願躋聖祚伏貢闕庭臣某中謝伏惟皇帝陛
下嗣聖居業統天握圖奄宅九圍光祚丕構玄元敷道
須有發明高祖造邦義資纂大故得上天垂慶八葉騰
輝誕聖神於正陽統清明於玄昊既徵下武將付中興
非徒履迹之祥實叶繞樞之異况臣特受榮遇思効微
誠撰獻珍竒則珪璋有可玷之理馳奉章䟽則文字非

陳贄之儀故臣常於禮歎松栢有心之姿詢於詩仰松

栢

一作竹

植

一作恒

茂之興則如佳其不朽豈疑

疑

著前聞載

微纖微爰有叢竹節雖謝於頽拔操亦迫於歲寒故臣

輒繪長松佐之脩竹辨其位則松可君於竹掄其材則

卑可奉於尊然松竹木中特最為有壽衆材槎卉而翠

蓋方成暮霰飄零而繁枝益茂輒所賦形像外移色毫

端敢借堅貞之姿願增天地之壽况輕雲瑞氣必呈證

聖之祥玄鶴仙禽每舉冲天之翼臣所以緣義祝壽出

幽入微不散氤氳之容同成俯仰之勢徵畫圖之旨誠
慙創物求比興之義庶近愛君不勝區區之極其松竹
圖并頌敢冒陳獻無任戰灼之至

為信安王進寫聖容真圖表 呂 温

臣某言臣一昨扈從西狩岐陽時以有年事因農隙整
六軍之衆備六田之禮戎卒是訓威武載揚屬草淺獸
肥霜清氣殺詔虞人以即鹿命荊州而起烏陛下親御
弧矢紆駕林衡曾不合圍取其背者雖有逸羣之狡走

險之挺而飛黃騁轡縈拂如組綠沉縱鎬宛轉若伏

一作

臣必命中於前皆應弦而絕倒其餘變態不測神妙無方非臣罄言所能模狀既而備獻禽之禮虔薦寢之誠教人以孝自天作則此外郊獲畢賦懿親兼禁羽騎無犯宿麥是行也典禮斯備仁恩允洽三令惟肅七德以宣魏武何階亦紀功於猛獸周文差擬將比義於飛熊臣忝藉宗枝幸陪鑾輅竊觀神武冠絕古今以為載之空言不若圖之繪事向所述聖今皆寫真雖天顏不違

而丹青莫擬徒極愚思庶存萬一謹錄上陳獻伏深戰
汗請宣付史館

齊賓客相公進所賜馬表

德宗

權德輿

臣某言臣頃待罪中樞特蒙睿渥既切維鵜之刺又叨
錫馬之榮憂在忝曠積成疾瘵聖慈全貸尚列師賓見
矜集作驚福過之灾猶積喜中之懼况茲天驥輒自御閑
實有代勞之功且期至遠之用特優賜與以寵宰司臣
自改官即合進納而心力衰耗晦明纏綿筋骸自便惟

在床衽視聽所知不過湯藥沉疴餘息有異常人平居
故事皆所廢忘頃年愧懼已切於負乘今日稽留自疑
於奪魄因緣尸素積累罪辜踈愚昧瞶墮越無地謹隨
表奉進無任惶恐震懼之至臣某頓首頓首謹言

貞元十九

年閏二月
二十三日

脩進繼天誕聖樂表

德宗貞元十二年

王虔休

臣某言臣聞於師夫君子為能知樂是故審音以知樂
審樂以知政治

唐諱

道備矣故清明廣大終始周旋與天

地同其和與四時合其序豈止於鐘鼓管磬云乎哉伏惟
皇帝陛下繼明御極治定功成則星辰之度以授人時
酌昊穹之心以為政本五行隨其用捨九有荷其陶鈞
鳥獸魚鼈無不咸若伏見玄宗時天長節著于甲令每
於是日海縣歡娛稱萬壽之無疆樂一人之有慶故能
追堯接舜邁禹踰湯自周以一作已後不復議矣臣竊以
陛下降誕之辰未有維新之曲雖太和已布於六氣而
大樂未宣於八音母乃臣子之分或有所闕愚臣不揆

頑昧思所祖述每私歌竊忤忘寢與食矣

唐書作貪久矣

適遇

有知音者與臣論及樂章探微蹟奧窮理盡情臣乃遣

造繼天誕聖樂一曲大抵以宮為調表五音之奉君也

以土為德知五運之居中也凡二十五遍法二十四氣

而足成一氣

唐書作一歲

也每遍十六拍象八元八凱登庸

於朝也所冀與雲門咸池永傳於律呂空桑孤竹同薦

於宮懸不雜恣憊之聲先協

唐書作長作

中和之頌

唐書作之樂

可使九域之人頓忘於肉味四夷之俗皆播於薰風與

唐惟休終古盡善臣不勝懇款其所造曲譜謹同封進
進嶺南王館市舶使院圖表

臣某言臣聞無翼而飛者聲也無根而固者情也無方而富者生也聖恩以臣謹聲教固物情嚴為防禁以尊其生由是梯山航海歲來中國鎮安殊俗皆稟睿圖伏以承前雖有命使之名而無責成之實但拱手監臨大略而已素無簿書不恆其所自臣親承聖旨革刻前弊御府珍貢歸臣有司則郡國之外職臣所理敢回天造出

臣匪躬近得海陽舊館前臨廣江大檻飛軒高明式叙
崇其棟宇辨其名物陸海珍藏狗公忘私俾其戴天捧
日見聖人一家之為貴窮祥瑞知天子萬方之司存
今年波斯古邏本國二船順風而至亦云諸蕃君長遠
慕望風寶舶薦臻倍於恒數臣奉宣皇化臨而存之除
供進備物之外並任蕃商列肆而市交通夷夏富庶于
人公私之間一無所闕車徒相望城府洞開於是人人
自為家給戶足而不知其然况北戶之孱顏南冥之睢

盱國異俗泰而安宅生振忘歸而樂業百寶叢貨罔黷
於人心群瑞効靈顧懷於天憲臣謬專任重啓處不遑
供國之誠庶有恒制海門之外隱若敵國海門之內宣
知一作和變風後述職於此者但資忠履信守而勿失不
刊之典貽厥將來聖恩以軍府交代之際委臣在鎮不
獲捧圖陳薦拜舞天庭無任感戀慙惶之至

上禮食

為絳州刺史孔禎等上獻食表

武后

李嶠

臣禎等言臣聞式宴為歡易著需雲之象晞陽展敬詩
有湛露之歌伏惟金輪聖神皇帝陛下功掩大千化高
明一憑五乘而馭羣品秉六度而弘萬機俯順人心仰
膺佛記尊名大號與日月而齊光凱澤歡醑共雷雨而
俱作舞詠溢於三界聲名殷乎四天臣等備守外藩幸
欣入計瞻衢路而躑躅望闕庭而悚踊歡情未展空思
側弁之娛聖造不貲仍賜合醪之禮三元告始萬品惟

新陽進而君道載昌景延而聖壽彌固具寮稱賀率土
同欣願申在藻之心輒效獻芹之志謹上禮食五十舉
具如別狀和殊九沸美異八珍有慙殷鼎之滋豈益堯
厨之膳輕薦蔬菲追增悚忤臣禎等誠惶誠恐

為納言姚濤等上禮食表 李 嶠

臣某等言伏以壇場既畢文物惟新寰區被雷雨之恩
宴樂動雲天之曲玄髻黃髮式舞遍於康衢車馬衣冠
追賞窮於勝境瞻鳳闈而列鼎抗龜浦而開筵風光滿

佳麗之城烟霧上神仙之閣傾壘倒筭盡百辟之歡娛
伏檻憑軒延九霄之眺矚五日開十旬之賞千齡逢萬
歲之期固以慶軼朝門一作聞怵深天造無任喜躍之甚
謹上禮食若干舉不恥獻芹之陋方期在藻之歡旋顧
單菲追增悚怍

為定王上禮食表

前人

臣某言伏惟陛下至德動天深仁被物光輝格乎上下
神化行乎中外故能使明祇叶贊景貺駢臻承靈命於

九玄錫禎圖於萬祀高秋在律重九御辰陳法駕而展
皇儀升紫壇而奠蒼璧欽告類之典盡祗敬之容咸秩
群神允釐百福然後玉鑿田軫金鉞戒塗發雷雨之恩
私展雲天之宴樂百寮簪笏承愷悌而沐沉潛四海氓
黎欣復除而荷優貸瑤圖載永昂命惟新忭舞同於十
方歡娛邁於千古臣謬當維翰忝屬葭莩敢申慶躍之
情願奉宴私之澤謹上禮食若干舉野人何識徒致誠
於獻芹天獎曲成倘俯歡於在藻無任區區之至謹昧

死奉表以聞臣誠歡誠喜頓首頓首謹言

為魏王梁王賀賊帥李盡滅死及新殿成上禮

食表

前人

臣承嗣等言伏見逆賊盡滅未誅先斃叛奚部落不守
自降或貫盈而亡或懾懼而伏行從除殄不勝慶快臣
承嗣等中賀臣聞違逆助順窮昊所以照臨振遠懷荒
邦家所以底定蠢茲豺虺憬彼犬羊稱亂白山虔劉蒼
海豈徒石碣楛矢式遏於天朝故亦桑弧鐵衣憑陵於

邊朔陛下乃矐愚悖情深遵養聊用七旬之舞未加一作

非知

五戒之罰雖大聖之德恒存於好生而冥祇之心有

切於除害驅桃都之厲鬼剗檀石之妖魁不資舉網之
勤而長鯨已曝無假合圍之費而封豕先屠有以知神
道之難誣有以見天心之不遠元凶既覆餘孽旋殲畏
威者鼠竄而離心懷患者鴈行而革面毳幘連路氈裘
成市與夫姬得瑞頴期越裳於累年漢獲駢柯俟匈奴
於後歲若斯而已也方傾巢而盡落佇匣刃而藏鋒自

非睿感潛通靈符叶贊豈能使天地假手幽顯同心及
有秩之方歌屬斯干之肇獻上棟下宇儲百福而擁神
休開陽闔陰積千祥而宜聖壽配南山而永固與北極
而長尊仙聖所以安居黎元由其式忭臣等幸逢昌運
叨延嘉獎喜遐陬之霧廓且覲歸牛欣大厦之天臨方
同賀雀願奉需雲之慶思承湛露之歡無任區區之誠
謹上禮食若干輦蘋羞何有希陳上帝之筵芻豢非珍
遂同野人之獻旋顧單菲迨增悚忭謹隨表進奉以聞

臣承嗣等誠歡誠喜頓首頓首

為建安郡王獻食表

陳子昂

臣某言謬籍葭莩叨榮圭社統戎出塞違鳳宸而逾年
班師入朝拜鑾闈而有日策勳飲至頻承湛露之恩獻
壽奉觴未伸行潦之薦所以白茅微藉願享於鈞臺廣

汗非誠思奉於瑤水謹輒獻食一百舉伏知金鷄一作雄

瑞鼎盈上帝之珍羞玉女行厨盡群仙之品味以茲菲

薄有陋類繁多慙在藻之歡竊希集作有獻芹之志所願

皇慈俯納丹慊獲申天子萬年永慶南山之壽微臣百
拜永一作長承北極之恩無任誠懇之至

皇太子上食表

崔融

臣某言伏見臣妹太平公主妾李令月嘉辰降嬪公族
詩人之作下嫁於諸侯易象之興中行於歸妹又臣銅
樓再惕常荷蔭於中慈金屋相驚忽承恩於內輔周官
典瑞傍稽聘女之儀晉朝加璽兼採納妃之制聖懷感
慰皇澤霑濡願垂扶木之光俯遂甘芹之請謹上禮食

若干舉如列尊師四學雖有謝於溫文問豎三朝竊無
違於視膳謹遣某奉表以聞

為韋將軍請上禮食表

前人

臣某言臣聞坤德承天所以曲成萬類陰靈配日所以
兼燭四方故媯水佐虞塗山翼夏殷之興也有華光其
業姬之盛也太姒贊其功用能家道以正國風茲始伏
惟陛下睿智神武文思聰明光復丕基惟新寶運色混
元而建極體造化而開階流形日用而不知含氣風從

而自樂皇后坤維發祉軒宮正位黃雲不散白氣常流
玉璽載耀椒塗以峻洛書疇能諭其懿河圖不足紀其
靈外理克和內德惟茂臣濫逢明聖忝當姻戚榮寵被
於門庭光耀生於道路西京六秩在昔何優東國七家
方今未重魚鱉咸若在品物而同歡鳥獸率舞顧微臣
而倍躍臣聞飲食之禮聖賢所貴以奉君人以親宗一作
九族敢因斯義輒罄單誠特望時降特恩聽臣上禮雖
玉饗珍味固無假於獻芹而臣下微心實有同於傾藿

瞻言忤踴伏佇矜遂無任悃歎踴躍之至謹奉表陳情
以聞伏聽勅旨

此篇元誤編在六百七卷
雜上請門今移入於此

文苑英華卷六百十三

欽定四庫全書

文苑英華卷六百十四

宋 李昉等 編

邊防一

出師表一首

請罷姚州屯戍表一首

爲喬補闕論突厥表一首

諫鑿駕親征表二首

爲清邊大總管建安王奏失利表一首

幽州論戎事表一首

并州論邊事表一首

出師表

後魏

高

歡

普泰元年

臣某言故天柱大將軍榮援立聖明中興寶歷而屠戮
衣冠升降自巳其勲雖大厥咎亦深以過比功則功不
補過永安之末國祀權移疑貳巳彰遂加大戮君猶天
也理絕讐怨而世隆等鳩集犬羊傾覆京邑大行幽執
酷害賊首且自立六王擅相署置或權重上將或官兼
宰相輔淫貪亂肆行克惡賣官衛獄專貸求財政令無
恒朝改暮易雖復南山之竹豈可盡言陛下龍德先一作光

天翻飛紫極斯乃宗廟之威靈億兆之念望而世隆等
沮疑衆安忍自以爲功帶甲勒兵唐突宮省篡逆之漸
昭然有徵臣本無勲庸濫叨非據位班台鉉爵等藩王
質薄任隆憂深責重常恐顛沛負之無力主憂臣辱先
達明規主辱臣死微臣宿志况擁百萬之師罄四海之
銳而坐觀成敗不恤國家之難哉方將揔馭大軍弔民
伐罪其指麾形勢備在檄書若世隆等退出藩維奉辭
廷闕臣便按甲休兵一無所預事畢之後泥首歸愆矯

命專征分甘鉄鉞若固執逆謀敢拒義師者當戮及妻
孥罪延三族伏願陛下留神省察照臣丹款大勲克舉
拜手有期心馳象闕戴懷罔極

請罷姚州屯戍表

武后

張柬之

神功初

臣某言臣伏聞

一作竊按

姚州者古哀牢之舊國絕域荒外

山高

新唐書作阻

水深自生人以來洎於後代

舊唐書作漢

不與

中國交通前漢唐蒙開夜郎滇祚而哀牢不附至光武

末

舊唐書作季

年始請內屬漢置永昌郡以統理之乃收

新唐

書作賦

其鹽布氈罽之稅以利中土其國西通大秦南通

交趾奇珍異寶進貢歲時不闕劉備據有巴蜀常以甲

兵不充及備死諸葛亮五月渡瀘收其金銀鹽布以益

軍儲使張伯岐選其勁卒利

舊唐書作搜

兵以增武備故蜀

志稱自亮南征之後國以富饒甲兵充足由此言之則

前代置郡其利頗深今鹽布之利

舊唐書作稅

不供珍奇之

貢不入戈戟之用不實於軍

新唐書作戎

行寶

新唐書作寶

貨之

資不輸於大國而空竭府庫驅率平人受役蠻夷肝

腦塗地臣竊爲國家

新唐書
作陛下

惜之漢以得利旣多歷博

南山涉蘭倉水更置博南哀牢二縣蜀人愁怨行者作

歌曰歷博南越蘭津渡蘭倉爲他人蓋言

舊唐書
作譏

漢貪

珍竒鹽布之利而爲蠻夷之所驅役也漢獲其利人且

怨歌今減耗國儲費用日廣

新唐書
作引

而使陛下之赤子

身膏野草骸骨不歸老母幼子哀號望祭於千里之外

於國家無絲髮之利在百姓受

新唐書
作蒙

終身之酷臣竊

爲國家痛之往者諸葛亮破南中使其渠率自相統

顧不置漢官亦不徭兵鎮守人問其故亮言置留兵有

三不易大率

舊唐書
作意

以置官吏漢雜居猜嫌必起留兵

運糧爲患更重忽若反叛勞費更多但粗設紀綱自然

久定臣竊以亮之此策妙得羈縻蠻夷之術今姚府所

置之官旣無安邊靜寇之心又無葛亮且縱且擒之技

惟知詭謀狡筭恣情割剝貪叨劫略積以爲常扇動酋

渠造成朋黨折支詔笑取媚蠻夷拜跪趨伏無復慙恥

提挈子弟唱

舊唐書
作嘯

引克愚聚會蒲博一擲累萬劔南

逋逃中原亡命有二千餘戶見散在此州專以掠奪爲業姚州本龍朔中武陵縣主簿石子仁奏置之後長史李孝讓辛文協並爲羣蠻所殺前朝遣郎將趙武貴討擊及蜀兵應時破敗唯類無遺又使將軍李義愔等往郎將劉惠基在陣戰死其州遂廢臣竊以諸葛亮稱置官留兵有三不易其言遂集唐書作乃驗至垂拱四年蠻郎將王善寶昆州刺史夔乾福又請置州奏言所課稅自出新唐書作支姚府管内更不勞擾蜀中及置州後錄事參

軍李稜爲蠻所殺延載中司馬成琛奏請於瀘南置鎮
七所遣蜀兵防守自此蜀中騷擾于今不息且姚府總
管五十七州巨猾遊客不可勝數國家設官分職本以

化

新唐書
作正

俗防姦無耻無厭狼籍至此今不問夷夏負

罪並深見道路劫殺不能禁止臣恐一朝驚擾爲禍轉
大伏乞省罷姚州使隸雋府歲時朝覲同之蕃國瀘南
諸鎮亦皆悉廢於瀘北置關百姓自非奉使入蕃不許
交通來往增雋府兵選擇清良宰牧以統理之臣愚將

爲穩便

爲喬補闕論突厥表

陳子昂

臣某言臣以顛蒙幸叨近侍陛下不以臣不肖特勅臣攝侍御史監護燕然西軍臣自違闕庭涉歷秋夏從軍

集作邊徼無尺寸之功臣識閭劣孤負聖明然臣久在

徙居邊隅夙夜勤灼莫不以蕃事爲念比按察已北突厥離

亂事迹

集作俾按察之此以突厥離亂事迹

叅驗委曲窮問徃來竊有以

得其真莫不自爲鯨鯢遁相吞食流離殘餓莫知所歸

臣誠愚不識事機然竊以徃古之變考驗於今乃知天
亡凶醜之時是陛下收功之日然臣聞之難得而易失
者時也易遇而難見者機也聖人所貴者去禍於未萌
今陛下體上聖之資開太平之化匈奴爲中國之患自
上代所苦久矣今天降其災以授陛下萬代之業在於
今時臣請以秦漢以來事迹證明之伏願陛下少留天
聽尋繹省察天下幸甚臣聞始皇之時并吞六國雄制
集作天下按劔叱咤八荒奔馳然匈奴彊梁威不能伏
制有

集作服

牧馬河內以侵邊疆始皇赫然使蒙恬將四十萬

衆北築長城因以逐胡取其河南之地七百餘里當時
燕齊海岱羸糧給費徭役煩苦人以不堪故長城未畢
而閭左之戍已爲其患二代而亡莫不始於事胡也至

漢興高帝受命率羣雄乘利便以三十萬衆困

集作窘

迫

白登七日被圍僅而獲免自是歷呂太后至孝文帝單
于桀鷙益陵漢家文帝徒以遜詞致獻金帛但求其善
和而已不敢有圖賈誼所以哭之痛文帝以天下之盛

而卑事戎狄以倒懸天下也至景帝時邊受其患於是漢武踐阼以承六代鴻業屬乎文景玄默之化海內又安太倉之粟紅腐而不可食內府之錢貫朽而不可校財力雄富士馬精彊忿匈奴之驕慢將報先帝之辱遂使王恢韓安國將三英華作四非十萬衆以馬邑誘單于師出徒費竟無毫髮之功一作利於是大命六師專以伐一作擊胡爲務首尾二十餘年中國騷然大受其弊至於國用不足軍興不給租及六畜筭及船車盜賊群興京

師亂起竟不能制單于之命一日而臣服之漢室衰殘
幾自覆社稷也故漢武晚年厭兵革之弊迺下哀痛之
詔罷輪臺之遊封丞相爲富人侯將以蘓中國也至宣
帝代罕復出師屬匈奴數窮天降其禍虛閭權渠單
于病死右賢王屠耆堂代立骨肉大臣自不相服又立
虛閭權渠子爲呼韓邪單于擊殺屠耆堂諸名王貴
人各自分立爲五單于更相擊以至大亂殘害死者計
萬億數畜牧集作耗減十至八九以饑饉集作相燔燒

以充集作求非食於是寄命無所諸名王貴人右伊秩訾且

渠當戶以下將衆集作兵五萬稽首來降於是北方晏然

靡有兵革之事直至哀平之際邊人以安臣竊以此觀

匈奴之形察天時之變盛衰存亡之機事可見也然則

匈奴不滅中國未可安卧亦已明矣夫以漢祖之聖集作

畧武帝之雄謀臣勇將勢威集作盛雷電窮兵黷武傾天

下以事之終不能屈一王服一國宣帝承衰竭之後撫

瘡痍之衆不敢惕集作然有出師一作征之意然而未有

遺矢之費而臣僕於單于之長者其故何哉蓋盛衰有時理亂有數故曰聖人脩備以待時是以正天下如拾遺陛下肅恭神明德動天地今上帝降匈奴之災孽遺陛下之良時不以此時順天誅建大業使良時一過克虜復興則萬代爲患雖悔之亦不及矣古語曰天與不取反受其咎今天意厚矣陛下豈可違之哉臣比在同城接居延海西逼近漢南口其磧北突厥來入者莫不一一臣所慰集作察比者歸化首尾相仍携幼扶老已

過數萬然而瘡痍羸憊皆無人色饑餓道死頗亦相繼

先九姓中遭大旱經今三年矣野皆赤地少有生草以

此牛馬死耗十至七八今所來者皆是稍能勝致始得

度磧磧路既長又無好水草羊馬因此重以死盡莫不

掘野鼠食草根自相殘命以給餵食

集作或自相食以活喉命

臣具委

細問其磧此事皆異口同辭又耆老云自有九姓來未嘗

集作見此饑饉

集作饒

之甚今者同羅僕固雖為逆首僕

固都督早已伏誅為亂之原

集作元

既自喪滅其餘外小

醜徒侵暴自賊耳本無遠圖多有獵葛復自相讐人被
塗炭逆順相半莫知所安田鵲諸部落又與金州橫相
屠戮群生無主號訴嗷嗷臣所以願陛下建大策行遠
圖大定北戎不勞陛下指麾之間事業可致則千載一作

千之後邊鄙無虞

一作憂

中國之人得安枕而卧豈不在

陛下一斷哉且匈奴爲中國之患非獨秦漢之間臣竊
惟先帝時衛公李靖蓋中庸之一老臣徒藉先帝之威用
廟勝之策當頡利可汗全盛之日因機逐使大破虜庭

遂繫其侯王裂其郡縣六十年將於今矣使中國晏然

斥侯不警

一作無斥侯之警

書之唐史傳之無窮至今天下謂

之爲神况陛下統先帝之業履至尊之位醜虜狂悖大
亂邊陲皇天遺陛下以鴻業之時陛下又得復先帝之
迹德之大者其何以加若失此機事已過往使李靖豎
子獨成千載之名臣愚竊爲陛下不取也臣伏見去某
月日勅令於同城權置安北都護府以招納亡叛扼匈
奴之喉臣伏慶陛下見機於萬里之外得制匈奴之上

策臣昔聞瑰囂言

一作云

漢光武見事於萬里之外制敵

應變未嘗有遺今陛下超然神鑒昭宣

集作遠照

實所謂聖

明之見觀於無形也臣比住

一作在

同城周觀

集作觀

其地

利又博問諳知山川者莫不悉備其地東西及南

集無南字

北皆是大磧磧並石鹵水草不生突厥嘗所大入道莫

過同城今居延海澤接張掖河中間堪營田處數百千

頃水草畜牧足供巨萬又甘州諸屯犬牙相接見所蓄

粟麥積數十萬田因水利種無不收水運

集作運到

同城甚

省功費又居延河海多有魚鹽此可謂彊兵用武之國也陛下若調選天下精兵採拔名將任以同城都護臣愚料之不用三萬陛下大業不出數年可坐而取成臣比來一作此者看國家興兵但循於常軌主將不選士卒不練徒知集作如驅市人以戰耳故臨陣對寇未嘗不先自潰散遂使夷狄乘利輕於國威兵愈出而事愈屈蓋是國家自過計於敵耳故非小醜能有異圖臣竊以爲陛下今日不更爲之圖以激勵天下忠勇但欲以今日之

兵今日之將冀收功於異域建業於中興則臣之愚蒙

必以爲未可得也陛下即以突厥爲萬代之患則臣所

言願少加察若以戎

集作夷

狄荒服不臣則微臣小人非

所敢諫臣今監領後軍某等取某月即度磧去計至某

日及劉敬同謹當親按行磧計至北以來地形及突厥

滅亡之勢察具

集作當審

虛實續以聞奏伏願

一作惟

陛下省

臣此章爲國大計儻萬有一可中者請與三事大夫熟

圖議之此亦萬代一時也伏願少留聖意閑暇念之天

下幸甚天下幸甚陛下採臣芻蕘臣請執銳集作沒先驅
爲士卒啓行橫行匈奴之庭歸報陛下臣死之日庶無
遺恨不勝踴躍之至

諫鑾駕親征表

玄宗

蘇

頊

開元三年

臣某言伏承某日制以吐蕃侵軼邊隅陛下欲親搃元
戎出征秦隴蠢彼羗髮敢爲叛渙王赫斯怒整旅龔行
實陛下雄略英威愛人活國之長策也臣聞北狄西戎
自古而有雖夏殷之強軒農之盛未息其患也書稱蠻

夷猾夏詩著獫狁乳熾未損東漸西被之化帝王馳驟
之迹則有南仲出車吉甫維憲縱侵鎬及岐密邇畿甸
未聞親征之義及乎漢代則烽火至于甘泉朝那喪其
都尉亦止之兵細柳天子但安于上京何者戎狄荒服
忽慌之義也來則拒之去則勿逐以禽獸處唐書之以
羈縻御之比諸校獵羽毛不入於服用體肉不登於郊
廟則王者不射故知千鈞之弩不爲鼯鼠發機也况萬
乘之重而與犬羊角勝哉誠勝之不武不足以勞也且

陛下有高行者甚衆焚珠翠放鷹狗出宮女納直言爲
百姓請命故關中豐稔則知皇天所矜通夫至誠今小
寇難將不久陛下勤脩德音日慎一日當自消弭也且
兵法有先聲後實陛下但發親征之令以旨遠而潛遣
猛將謀畧之士以濟其師則戎人日便崩挫也岐隴粗
熟凋敝積年千乘萬騎往還儲峙恐外有寇虞內興徭
役人不堪一也又戎虜之性倏來忽往敗不羞走勝不
成師唐書作讓成若大軍臨邊尋已鳥散則屢出多方我受

其誤二也况太上皇萬福鍾愛實深陛下將對寇場必
勞憂慮非惟問安頗闕亦恐御膳有違則陛下蒸蒸之
思何以自得三也臣故曰擇將嚴邊旰食脩德爲良策
也臣愚不識忌諱惟陛下裁擇一昨欲幸蒲州及長春
宮臣等以人勞未復不足輕擾輒進狂瞽遂簡天心下
制賢諫臣一作官之奏恤農人之業因而賜一作見停遐邇
並知陛下從諫如流之美今日未久勞役倍前斷可
知矣陛下若哀此疲人頓茲戎輅則天下幸甚昔蒯城

侯泣諫漢祖曰主上常自勞豈無人使漢祖以爲愛我
良史書爲美談今朝廷將相之衆豈無與陛下盡力哉
何勞聖躬之遽行也臣等不勝悽悽之誠謹表以聞

第二表

前人

臣某言皇情愍彼邊氓忿茲兇醜必親弔伐臣聞天子
之怒伏屍百萬流血千里若吐蕃者鼠竊豕食猶魚躍
釜中耳又何足以當陛下之怒哉臣愚竊以不可何也
頻歲以來百姓不足岐隴河渭動無儲廩今大駕遠征

供置倉卒若緩之以法必乏我軍興如急之以刑則人無所措此時不可也乘邊將士或交鋒刃飛書告捷首尾繼來料賊之勢不復支久陛下若輕車電發則虧持重之慮一作虞如按部天行又非赴敵之義此勢不可也

蓋稱王者之師有征無戰謂蕃貢有關王命征之於是乎理兵其郊獲辭而止非謂掇一作按甲臨軍敵人畏之

莫敢戰也是以古者聖帝明王無親將也云黃帝五十
三戰者即締構草昧非太平之本也故自阪泉之後脩

身養德與七聖游於具茨三月齊而訪道今陛下鳳翔
藩邸龍躍御天不日再造乾坤一呼而撥定禍亂是則
聖過黃帝而經綸之業備矣故當高居深視制禮作樂
禪梁甫登崆峒雅歌從容爲後王法閫外之事屬諸將
軍何至厭玉輦甘金草邀功馬上爲一人一作日之敵也
今吐蕃遣偏裨小醜干犯大國我軍未捷而恥已深而
陛下又將屈至尊遠爲之敵使攻無不勝戰無不克猶
未足以誇四夷適足以驕敵人羞天下也又扈從之人

半非鬪士使給徃來日費千金與其傾耗資儲孰若回募驍健重賞之下必有勇夫以敢死之師當疲老之寇若排山壓卵何必勞聖躬哉況事有不可輕敵有不可小者昔周師困於祝聃漢祖厄於平城安可謂吐蕃無祝聃耶河右無平城耶千金之子坐不垂堂聖人終日不離輜重不可忽也臣又聞吐蕃之入也惟趣羊馬不至殺掠於人但剝體取衣以窮寇耳又數道俱進按隊徐行者若有所望恐連謀北狄陛下如必親戎邁于岐

隴脫幽并警候靈夏馳烽突厥之騎南侵猶如吐蕃之
勢長安百姓驚擾太上皇帝豈不憂勞陛下以三賊憑
陵誰者先擊豈可挂西軍之衆分御北胡野次之間遙
謀廟堂不戰之策帝城空虛衆亦何仰臣固曰居中制
勝爲防萌杜漸之上畧也今但發近縣之兵擇良能之
將重爲之募嚴爲之約其敗衄失律者已加必罰之誅
矣其勇敢殺敵者亦願加信賞之勸焉兼購賊中有能
斬首帥以一作已下歸降者及邊軍之士俘馘醜虜者並

厚爲賞格以班之我軍必大振矣彼賊聞之自解而去也又承萬騎官者數千其受國恩亦已多矣並習練梟

雄遠近所憚陛下或拔爲將帥或備軍行勒以從征足

可威賊也又數十年來人之多幸乃有捐

司馬邊傳作全軀保

妻子之臣親戚貪佞之輩並人厭階勲家盈封爵乃至

紫衣塞路朱服滿朝皆能侵國害人未見尺功寸効自

陛下欲櫛風沐雨親冒邊塵不聞獻一奇輸一策主憂

臣辱請代此行而但糜府庫之財殫征稅之奉嗚呼此

所謂六蝎五蠹者是也臣所以痛心椎膺而移疑陛下
言之耳何不簡冗食重祿之夫權令禦寇此但惜身自
當爲國而容養蠹蝎輕勞聖躬賈誼所以長歎息繼
之慟哭爲此也昔楚漢相持楚強而漢弱漢祖猶曰使
刑徒擊公吾不能鬪力也區區之時猶能如此况今四
海之內皆爲臣妾普天之下莫非王土而最爾一寇如
一蚊之附九牛陛下便欲降萬乘之尊親銜縶之變輕
其帝重逸此庸臣臣竊爲陛下不取也夫三皇善用仁

聖五帝善用智勇陛下當三五之運而捨其所長非英武之稱也議者或爲疑陛下前欲征匈奴制行而止今必須一出示信萬人此大謬也夫兵者以正合以奇勝故不厭詐而尚以權今以陛下英雄之資發親征之令敵聞而懼我勢已張更練熊羆推轂將帥見可而進騁變如神適謂幽遠而難知河漢而不測人是以服信是以孚夫何疑也今夫頓岐隴之外擾疲敝之人率徵之兵不過數萬阻饑積歲師不宿飽州縣急於供費力不

足以救邊軍容制於部伍勢不足以赴敵脫胡騎紛擾
京城空虛人情易動難安不可不慮也如太上皇暫勤
旰食是陛下以天下之大不能安其親也惟陛下圖之
今卜征有期不可頓止但更延發日示擇良辰以候西
軍動靜以爲長策臣愚所陳衆計亦願陛下擇善而從
之臣聞資父事君惟忠與孝况臣職叅袞闕逾念謹言
苟益涓塵死而無悔昨日已於閤門封進一表恐未
周覽今復盡愚非敢阻於成規實願廣於天聽輕言時

政伏待刑辟

爲清邊大摠管建安王秦失利表

武后

張說

萬歲通天初

臣攸直言今日某乙從硤石山稱前軍王孝傑等

集作硤石

以某日失利於峽石山忽聞殞絕心摧魄死上孤天威下

慙士卒臣死罪死罪頓首頓首臣以駑怯謬職戎麾銜
戴恩榮統率將士驅闕隴之馬引淮海之駒旗幕亘於
邊城弓甲傾於內府不堪任使撓失節度群帥無決勝

之功偏師有挫衄之咎長犬馬之乳熾縱梟獍之未滅
憤結靈祇怨毒骨髓臣實其罪非他人忍恥苟全遠媿
胡顏之責引慝過死內負猶鬪之心踧踏無顏進退匪

集作靡

處臣既不建師律有干常憲合即嚴科以塞重責

然以見在兵馬交要部統未敢束手軍事委置旌節稽

後

集作緩

刑書伏深兢戰特乞更名嚴猛代臣部卒

集作統帥

臣請歸罪司寇以正國刑因伏邊陲惟待斧鉞

幽州論戎事表

玄宗開元六年

前人

臣某言伏以先帝以臣踐履忠孝使臣啓發聖明故得侍讀春闈夙承天眷洎於中歲兼掌樞密內當沸騰之口外禦傾奪之勢陛下監撫既安自天所佑然臣叶贊之意明神啟之開元之始首典鈞軸智小任大福過災生出守三州違離六載曲直非已升降由人惟君知臣事不待說今既牧邊鎮委重戎麾竊以兩蕃共和能器疑同異九姓遠聞撫納欲恃賊殺無侵擾之慮保兩蕃受徵發之期臣愚料之恐未然矣何者賊殺親一作新立

必遣兵所加必收九姓若去兩蕃搖失九姓雖屬并州
節度然其幽州密邇脫有風塵何所不至臣熟聞幽州
兵馬寡弱卒欲排比未可即用城中倉糧全無貯積事
未逼迫臣實憂之伏乞聖慈深以垂意博詢舊將預爲
籌畫事若早圖必無後悔且孤臣摠衆易起猜嫌寬大
失濟事之宜嚴整招怨黷之謗遠辭天聽臨事回惶如
有論告臣身奏劾軍事者乞追臣面問對定寘疑虛則
日月無可蔽之期幽遠有自通之望伏乞留書在內時

加矜察

并州論邊事表

立宗

前人

開元七年

臣某言臣說頓首死罪死罪言臣聞小忿不忍延起大患小罪不寬迫成大禍契丹奚背恩誠負天地不容之責然原其狀本是夷狄君臣不和自相誅戮耳伏

集作所

望聖慈且使其族類在朝者將勅書再三告讓因其所欲立酋長而便定之或可不戰而定也必告之不訓則大發兵馬東召靺鞨西舉九姓來春未青數道齊入突

于之首可拾而取未爲晚也天恩若不忍以中國勞事

蠻夷則嚴兵備塞棄兩蕃如糞土耳又許欽淡集作決擁

二萬餘兵

集作衆

據五丈之城有糧即守不可拔無糧即

鼓而行何所慮也今遣史獻非時遠抄兵回甚難八字集作

非時遠抄近掠其實甚難

萬一未捷賊氣轉壯臣愚不曉集作下不

敢隱情伏望聖恩再加裁度臣說誠惶誠恐頓首頓首

文苑英華卷六百十四